


VASCO

MIELAK MO VENEZIA

GILLES CHAILLET



LE LOMBARD





GILLES CHAILLET

VASCO

MIELAK MO VENEZIA



FRANCAVAFA XANTOFA
WIMBRA :

VASCO, TÉNÈBRES SUR VENISE




KRENTARA : GILLES CHAILLET
ZOVDARA : GILLES CHAILLET
KSEVARA : CHANTAL DEFACHELLE
PISKURA : ÉDITIONS DU LOMBARD (1987)

KALKOTAVAKS :

VASCO IS MIELAK MO VENEZIA

KALKOTAVARA :
DAMIEN ETCHEVERRY (2024)

LE LOMBARD




Afiz biwe toz dur viele lan tiv va letaf narilt amliton mookilder. Gemafa terma ke nolda va wid al nyebar nume va geribaf irubasikeem kadime telvung elekar.



Marin Falier warzaf widdacik me non talgalicar. Mali idulunafa surtera va kipi ke toteem koe Porto Longo, va dirgara va efrudeem pu stinapaf totasik al odjar, tiolteson va bata poraca bas oluik blodaf gu egale. Bad tanoy aksat, to toleaf bat warzaf totafayik su zo adjuber.



Arti toloy aksat, koe vema mone Verona...



**TUMTAFI GADIKYA !
FU ZO VEBIDUT !**

**USTAL, STASIK !!
WAN USTAL !!**



Ziavye, kivapá da batcoba fu tir mefavlafa...



VA OKOL AZAVZAL !!



**Weltikye, zo poranyac voxe va intaf
irem pu cin erudapanon di gonafec !!**





Me aytara !! Dirgara en tir tazuktafa ! Va sin ko lamone ke Sirmione gonarburet lize kali jiadara va vuuda enintenon zavzagitid.



Nikye, novec da va winafu diremuko beitú !! Va ino ika teiz vindá, i ika teiz efe lederodaf nek tanuskackaf. In me gaveter numen abicedje fu gokec.



Ax ! Tel kold... is vadigeem !... Kotcoba batlize tigr, vuyuna !... Anye, anye !



Warzafa sorka zo vanstar, weltikye...


Ede zegac da rundanyac...



Kas bati atedafi zveri koe riba me tid oklafi ?!



Isen edje ckanta faluyuna bas Tolomei omeltik van Verona wan lakir, pune « krafolkiraf flint » va Vasco is zivikye van ara nia divburer.




Gan blis oretlik ! Palik, tokdume bata zalorarura ? To mea kelda van Sirmione tir ?! Isen tokdume likalion lakit, va okol fu semal !?



EX !?



In gan degrik zo dapnarir oke... Ax oyox !... To divgrabler, int dere silukon ?!...



Vasco ! Sin va min jovled ! Vas tokcoba batcoba sugdalar ?

Okoltum toz tcepar ! Edava fu trovgawer !





Bat strokik ape al eravarud ! Ziavve, va gloqa pu Lorik fu gojuiket !

OOOOOX !?



VA KOYARANYA KO KUSTO !





Neken, moe bana domega.


Lorik ke kelt, al wic !?

Ax ! Kimtaf kosik !



Sin re tid vedgobenik ke Belzebut !
Tetce, pil !! Fiste koe vema me
rasoket !!...

Welidá da me vangrupé,
palik. Kas dirgara me tiyir
da ...



Dirgara, dirgara ! Va kotcoba me grupel, palik,
voxen va ara benplekura, bas kontan vamoepaf
kazawayá !... Numen witol, zo gabletet ! Pil,
gubeon til leon siakraf !



Neken moe bana domega, tawadayik su kategid.
Konak ko iyeptasa lava ke Adige kuksa su
estobad.



Taxa,
Marco !

Mana oviskaca, en ! Ko bata fentunafa lava ! Voxen
ede co fu awil, toktel va nazbeikeem sinkatar, xeim ?

Tetce Maria, rinafe kurenye
tir prantafe loon dam persa.

Goxe ! Kivá da winafa takreluca
fu tir mefavlafa, nik !



Efecwe ! Bat
glastik nutid
buktaf, oyox !


Va sin den jin
divburet !! Kurenya,
ampul ise va ropesik
walzel !!



Tel guazik me
fu moblir.

Tokote min va bata klaa artfitit ? Voxen sok ke toleafa ayikyé
biwe tir lokiewafa. Wison va bata xonukera, mana saura !

Skre, mana evodapasa walta !





Oox ! Lité da jinaf niskeem zo empayar !... Aix !



Kle weltikye, divmodel ?... Enwe, mali tanoy vielcek kenibeyel ! Arinton, enwe blovupuyul !



Oyox ! Re setiké... bata luberapa dun trenasa... azen ebeltaf mekak, mea koncoba... Voxen zivikye, tokinde vir ?

Voxen leeke tegulawel, djay !!



Bantanye ? Banlize senyer... Tir axapafe. Cinaf fraskesik va konak ralceks karavayar... Ape Lorik va ine gugiwanar, weltikye...



Vasco... Va widdacik... koe Venezia... gowalzel ! Va dacik !



Me pulvil, zivaye ? Va jiomik ke Verona gu rojura fu pomadá. Bata vema tir ke inafu mwaxo. In va musuca ke koyasikeem goravaldar !

Va in rodaxal, rodaxal !! Oox !



Me kival weltikye, in koe nubanya zavzagir. Kaikion gire...

Va win gu kotcoba umeke co rogréwá ! Dimpiti ise zo grikidatác.

Va batcoba ika volto erba al tegickiv.



Verona, tere !



Koe bata vema zo dilfuyú aze zo nabeyé. Kas koyasik moneon me zo rojud ?


Ta batcoba va ardialxo koe dotaxe gogukoel. Wil, lenton ronton !! Me roroklel.

Siennik va Mogibadolexo viga remlakir...

Porca miseria ! Vasco ! Koe Sirmione kle me tigr ! Tokcoba fepoar ?



Ape al lajupotcer ! Goxe ! Gotatcé da loon fu abdulakir ! Van dotaxe nulanir !... Kiewon, ste fu gonaskí...



Pu ardiakilik djupulvil ? To opelapafa. Va rinaf siluk keckel !



Tumtafa Gadikya ! Afizcekon fu gozavzagí !



Arti toloy bartiv... Tuvel tere zo fenkur...



VASCO BAGLIONI ?

To jin.

Va jin radime-lanil, vay...



Kimtafe yikye, ika ine me co djutigí ! Ax vol !

Kontan zolkomes va bat yotik di parmon awir.

Nayanikye ke Scaligeri. Ede kelt va ine co rogrikter !



To lag su zo tcedenyer ! Ixeckel, Vasco !! voxen ale va Venezia me artlakitil nume va widdacik me kevlanitil...



Voxen... Tokliz va jin kostal ?

Ko Castel Vecchio lamone. Scaligeri jiomik ke Verona va jin terektar. Tce in va rinafa imaxura malterektatar. Museduca ke worasik koe cinafo mwaxo tir trumarapa. Suteptik ke ardialxe va rinafa dempa pu jin su pwader.




Bata yanera va jin konter, weltikye. Rabaté da tire museduca va lizukafa rictaga abdikereler. Kare jontik sayakik moelanis va nudeem.

Goxe trukaf tozekik yonote dun skujed. En sid da va sintaafe sane ke Verona relatced... Ax, va melistafe sare ugulat !



Artlanit. Lané da Scaligeri jiomik va rin fu auzar. Pil... Pil !!



**ZATKAF
RELMESIK !**



Aulon, nikye !
Al abdiplekú da va nafalik wital.
Til keaf, oyox !!
**VA IN
MALSTAC !!**




Wori konlize, koe widava...



Afida ke tilerdeem va izga ke « cavallieri della pace » pertorkirik gu rebava ke savsafa watia momimar. Kotbat tir ton mastuna gexata. Antafa zawa asadayana bene kruja va pilkomodara va vofa widava nover. Tid tanoy genovik isu milanoik isu veronik isu magyarik is konak veneziik.

Kotote batlize, ta tanaf enid belcon tigit : ta akeo-yesira va Marin Falier widdacik ke Venezia, betdroe !



Tí vénéziik neke va bat guazik lanzá. In gan kivara va koivamura va guga zo bintar. Genovik is veronik is magyarik, stegeson va win, va geja rawasa va minafa kazara djudakir. Neken, djukatrasitison va triguca, iyeliskafa totara tir dirgulafa. Kev mingara ke widdacik, govetu-birgotaweyev ise birgoton va win al uzerav.




Acum va « Cavallieri della pace » viray belcon reduyut ; va dimsulara va dili al gorat. Tcedeteson, sulason va totafayik kofliyin ika cin, va widdacik al lasutuantat.




Batcoba tiyr rokla. Minafa tegira va Falier me skotcesiyr voxe va inafa lujuca jontolayar ise gan sane zo zobeyer. Wideyafa geja va minafa arienta me co iksantur isen eafura kev min malbuiver. Va widdacik gobaliet, voxe malaskison va lana mweluca.

Nik ke Verona djupulvir.




Va minaf mukot kaní. Va lana kametca dem moava balikeyena pu widdacik su remazavzav. Bat ervay ronover da va in den arientaja di askoat. Kle va jin kalterektac !!...



To puvera tir ! Bat guazaf jidol grupeter eke oluikem va dilfura fu acagipir.

Lané da jinaf felik gazik ke Magyara va bat azed vanovatar.

Milcoba koe Milano titir.



Wori koe zeda ke Castel Vecchio lamone...

Voxen tokdume ? Tokdume ?...

Scaligeri jiomik va rilitik me albar.



Edje laxa koe watia tenuwer.

Va nerleem ta bata sopura dagil isen larde bata rieta tir rinafa, pune en ronotegil ise latcedel inde guzekal !



Redakik ? Rin batlize ! Al pou da batliz lanil. To metan gogruper da jiomik ke Verona dene birgaf rijay urber !

Scaligeri jiomikye, va bata meproyaca ixel voxen jotafo Vasco Baglioni su zo soper.




Tokcoba ? Voxen al benplekuyú enide in tixolon di zo klibur...

In al lajupotcer voxen me kival, gin tir minaf stolenik, voldo kon vrutasik !



Kiewaxe, anye ! Va minafe sanenye me loeke gruidé... Grupel, ede cinaf azed co di tceder, pune Venezia co titir tite min. Isen va urlickera va krapolaf pak ke bata sivakafa lupa terná. Dile gan ixakuca ke veneziáf vangluyanik zo woltendá.


Mola ke gazik ke Magyara rinaf nik fu zo goneninter.



Kas me abdiplekuyú da va cinaf jiomik fure di wil ?



Oyox, bat voldolik en tir laopaf ! Va inye fu tuomackat...



Re leon fuglackal !



Va lana axaca welidá, Baglioni weltikyé : evie ke rejdenik va merostujena pojara pu jin tiskar... Ax ! Ax ! Ax ! Kas va rin pujecké ?!

Scaligeri, lodame fuglal, ede va astirbafé arge djutarutel, pune va jin terektal !!



Tolomei zivikyé gruper da koe Verona tigí. Ede goxe va kona stuvaja co levgá, pune va da-vafa dimerbara va kserayana beitará co maldiner !



Tod rinafa krulara, varafa Verona gu lanyona birga grupena icde rin vere co zo givatar.

Voxen jupal da di saacká, cwe !



Ede goral !

Tcax, va in tunuyal, zersulik !! Rinafa ampura va nakera va battelye va jin gu gedelafa debala rovoplekur... Setiketé !

Voxen, jiomik !?



Kaikion.

Va vage robetal ise va int rovostal. Scaligeri va rin kaikion wistir. Zo askipenyel : kas grupel da moe to bata soza sposafa Giuletta va dankara ke Romeo terektayar ? Nuve.

Voxen nutil skes, rin, cwe !



Va rin iské, Baglioni. Va esturanya !


Gue, buluckul, ikorik !! Leon va rin witi...



Tire efe, in va tuvel su ixtatcar... Va soza fu wí...



Kevlanitison va intafa Giuletta, bato vonafo Romeo va wazdel ape dadiyir ! Va zeda ika moavayafa riba al vindá. **AX, MANA EVODARA !?!**





TO DIREMUKO FALUYUNO TIR !
Mana kanyuva !... Vaxede !... Tokliz mallapir...



Aje ! va kona proyuca, me !...



OOOOOXX !



KELUNA !?!



AX! AX! AX!

Mana atedafa wanca,
nikye !

Va rin rotapsá,
Scaligeri !!



Xolo ! Scaligeri
WELTIKYE, vay !
Tetce, becul,
nubasotcel !!
Yafe ciikye !



Batcoba loon fudjer.
Nutil soriapaf gu
yatera il cin !...
Neken va rin loon en
djurungupé !

Volsen jin ! Vol
djuprogrupé,
WELTIKYE !


Aulon ! Jinafa keuca tir kimakirafa.

Va davafa tunuyara is okolany is ruzadesiktum diné ! Ko Venezia golakí aze va widdacik di wí ise kotkane tcedeté !




Scaligeri jiomik, kas lieke djumel da rinafe sanenye gu birgafa fogra ke intaf sersik di zo givar ? Va jontikcoba icde rin grupé ! Anton erú da va rinafa sersaxo vawelon di remlakí. Va rinafa geja vol dikí !

Mana ituraja ! Adim ! Va rinafa galpeks gazdeldeon daditil. Va tugadias ugal pu jin icle iskel, oyox !!



Va vaweluca koe jinafa sersaxo pu in ožé, voxen kaike Padova va veneziafo sokaxo goremlakitir... voxen banlize va betcoba mea tumusatar... Va nik wí !!



Til atedapaf cwe, Vasco weltikye. Widdacik tir jinaf volnik, inafa antafa klokara tir cenera va jin, isen co djumel da va rinafa kevlakira va in co nové !



Bartiv tiskiwed. Isti mielcek, tum dem « Cavallieri della Pace » okollakisik va Verona maltcepar.



To moni oxam miafiz, Vasco is fuzodesiktum va Verona tere rovomallakid kiren Scaligeri kottode al kagaveper.



Bata tervara tire va jin fu kagaver...



Soe arte solumama male Verona, moe vawa van Venezia...



OKOLLAKISIK !?



DILI IS NUYUCA !



Dili is nuyuca ! Ex kle ! Va int romilmuc da va jin su vudesic !

Kontan va rin radimlakir, voxen kapbureon umeke wavel. Kaike Padova va in fu vajulev.



Kas co tir Vasco ? Tir umeke vepokaf nume kou nuba ke Scaligeri al rovoyatel... Kas bat snavoltum rodivvawatar ? TETCE ! ABDU ! ZIKASIK !




Soe koe Verona...

Bata tegulara koe batyona nuda sume idja tir mepreksafa. Scaligeri tire me djumer da va widdacik di wi.



Redakik, co karolacká da va vawa volmiv fu grifunel.

Koe bati tari ?! Me trakul ?! Ae, ae ! Fu lagaskí...



Tetce funesik, mangic !!




Mana ekeyura, redakik ! Pu rin fu nedí, fotce !

Weltikye, me ! Vay !



VA RUNDA ! VA RUNDA !



Ae re vava tir nuyafa ! Enwe, batcoba me tiyir wavgafa ! Ton abica kuranira !



Lekalion, weltikye,
va okol fu semat.




Koe Vicenza va int
revoltamat ?

Benje kle ! Isen
keniberama azon
ape titir adrafa !



Welidal da kelura va
bata zoma co tiyir
batcera...

Welidá, welidá...



Al estursul, redakik,
rinafa okol cuer !

Va rinafa brura
dikeke karolá.



Padova ! Tere ! Voldo rojus pumkik, koe
Venezia ixam co tigí...oke al xonukeyé...




Edje bocaf sollipaks va zida sumeon oblar, eda « beituyna » gu Tolomei zivik va vema
wisa va Adriatika bira luxeon artlakir.



Venezia : widdacafa berma...

Wari gan kona nyola me fu zo nyolad !



Me, to sin ! Ape sin, tce. Calendario vanon abdulnir.



Isen Dandolo koe intaf ilput wan kobar, pokeon !



Golde bat fitulaf kitsend tatces da widdacik yasegon ronopulvir, fiste gan in zo vol witit.



Ex Dandolo dacarsik, koe migajeyxa wan exulel ! Catarina weltikya fu dwir !

Riwe al tenuké, dacarsik. Bata rindera va patak va pilkova-ckafa trumara imaxur, grupel...

Ae en.



Mana bitavurapa ! Co tra-kuckú da in dovoron askir !



Wori...

Batlizo, batlizo !!

Voxen to brost !?

Ex, ex ! Kre to tixolaf fogelom tatcetes va kakeveraja.



Tí vegeusik ise va kolnara va bat warzaf berk ke berma manton al paké.

Wickí.



Obrat, kontan koe artefa olkoba wan kobar.



To Tolomei weltikye is Vasco Baglioni, dacarsik.

Grewá, robulul, Calendario. Debanyac, weltik !! Kas va erba dagic ?



Dagiv, dacarsik. Rinaf vevedusik va ina vajuleyer aze il tixolaf disukera bravayyar. To bozadosteks tir ton jontolaf tulok sotre bat pu rin is ban pu minafu sistu. Va cinafa dotrakura gewobar. Rinafa kueca tir ant gracasa.

Va batcoba rindet !!



Jin, Marin Falier widdacik ke Venezia, dakté da va itaya bas 2000 marc moabaf talolk bas Tolomei sistu ke Sienna su kazawá. Ika bata itaya, vilté da va sabera ke kulaceem ke Candia minafa ewalanya pu inu nafeté. Dosteks fonkon sanegayan koe Venezia ba saneaf viel ke balemeakast ke 1355-e lorafa ilana.



Ae to coba katiyina tir. Voxen tic delfajaf !

Rin dere, dacarsik.



Widdacik va kueca fu kevaykar...




To myelga !?!



Ufux !... En foliyí da in di sugdayar !

Re, remi gemeltany fu tit aulaf.



SUESIK ! SUESIK !

Kas al gildel, Dandolo ?



Efe gue, vol tí xadaf, dacarsik.

Gan oretlik, tokdume myelga rem jinaf dilk zo kabuyur ?

Ina mal truj ape zo kabuyur... Ex kle ! Sin artlanid, suesik ?




VERE ! VE ARTLANIV !

Ko kusk ! WILUON !



Ape in konlize koe
bat truj va int al
mastur...



**VA DOKOBASIK !
STAKSÉ, FALIER !**



**KETIKYA ! TOK-
TAN BAT STEZIK ?**



Soe bantan va bana
otsa ke wazdel su
konarir nume ko rid
djuprogongir.



AX ! AX ! AX !!!



In ko savsafa berma
otcer !

Va in koe bata
gelawa dem plor
is fogelom meviele
katrasitit.



Miledje koe ilput ke widdacik, toloy rolaf omeltik anton zavzagid.


Ae, re, valdig su zo ikaplekuyud. Widdacik ro dimlanir.

Wari va ika-betara me di sonker.



Va wupesisa etsa vefat, voxo romorbepet da va mecoba witiir. Tokdume va coba sure beliyina co ageltar ?

Va bora !... kay !



Ex kle ! Tokcoba tiyir ?



Yona divulacapa... Ae va kueca su kevayka... Va tanoy tulok vidé inde al gucet.



Kas va vankolara ke bata itaya cinon vanziliyina rogrupev ?

Pu win rowelidacká, va vangluyara ke Osmanli turkik kev Genova is inyon nik djukalusté.



Oretlik ! Ede bat guazaf yotik co tcedeter, pune co titir tena ke Genova is Verona is dili. Azed ke Scaligeri kev min laxurwoder. Tokdume va bata moava arenide me al videt.



Eldeon koe Padova...

Va rin re iskev, Vasco weltikye. Arte balemoye decitmetre, toza ke sokaxo ke Venezia tir. Ko Verona dimlakiv.

Ae redakik ! Rinafa dositara tiyir dulapepesa. Bat taneaf greelt tiyir abrotcipaf neke tuke prilara me nutiyir portaf.



Isen re wava tir nu yafa ! Batvielu mecoba va jin kagaveter !



Voxen « Cavalieri della Pace » okollakisik pokeon wan tigiyyid...

Tawaday me tir listafa lion dam tela ke jinafa vema. Toscana tir ana listafa koe tamava : kotcoba tir vumeltuca is milbava is zijnuca.




Xolo ! Yontan tid ! Bat okollakisik me nutid dilifamaf koyasik.



Isen artan va jin radimelakid... Voxisen ar tum ronuo... Fu buktawé !



In stopre min tir !
Aytat, dositik,
aytat !!



Okollakisik fu ongid viele sizuntasa teixa vandotesa mal vawa ke Arqua Petrarca wal Vasco is relingasiktum va int wotron walplekur.



Gan xonuka ! Va in kagrupé, to Petrarca !

Va ina konaktomon koe jinafa berma ke Venezia vedgobeyé.

Ina kotlize zo gruper. Kabdue inaf iteem vol rovodajubet !

Skre va man tcumpaf vrutasik me rotaytat. Gojovlet.



Tí Petrarca ezlopik. Rotir jinaf yolt va koncoba div-rozar... Toktan va rin div debalaja su impá, mex ?

Gan kelt zo staksel, Petrarca weltikye. Rinafa sposuca va kima ke Europa al artfi... Luxe jin, yolt tir Vasco Baglioni.




Va rin dere grupel, volinc. Gelkeon to jin pirdayá enide papik va Cola di Rienzo bal inafa artowara co pomayar. Aje ino tenulejeyer ! Ede co tcedeyer, pune Italia va intafa tanuca co di katrasiyir. Voldum batcoba, ton geja dun blit... Va kona kakeveraja gu rin co djutatcev.

Va ini kal Venezia co rodositav.



Azen varafa dosita va prantaf totuk van widava felisa va bireem rundanyar.



Olukapafe Sokasane ton megeltraca fure awir, tcazedase va cug biot ko kusaf lavok ke San Marco kolom.



Totuk va kelda vanmia noafa butcara ke molt fetar aze ken Schiavoni proske tite widdacafa berma vankrir, i tite berma dem warzaf lentor lev tey ke awalt yozdar. Moe etol, tari ton yona licayana ema vanmiae avlemodaf dolekik ernar, is vanmiae godolen levetirik rembureyen gan efruda mal Roneka.




Va Petrarca doné ise gu ruzadera grewá !

Va Vasco doné ! Va falanya ta rinafa vuida.



Tokinde widdacik kategitir viele al dakteté da basfilavasik va moava gu cin al dubied, i va moava vankolayana pu in ?



Va widdacik djuwil ? Voxen welta-mikye, an palsotik ke Olukapafe Sokasane batkane me zo rovomazuker ! Va kakevetcura daykal !! Ede gan Maga di zo naler, pune va lawara bal sanegafa fruga seotatal.



Mana xaka ! Domura va papik tir loon drikafa !



ME, DANDOLO WELTIKYE ! ME KARAKEL !!



Batcé voxe va rinafe jofafe vajule-
nikye mo jinafa efruda vol djukusegé.
Va posayan birelik anton kseldú,
vols jotaf oluik flatces
koe lesó !

Gue !!

To rinafa bocafa
ewa tir, Isarelli ?



CLAC



Askiyil, aje
goxe, Dandolo !



**XOLO WIN NIK !!
WIC INDE WINAF
REDAKIK GAN
OLUIK ZO ASKIPÉ !!**



Rozanon gan intaf fayik, jontik birelik tigus moe etol is San Marco vigama va sint lospad, lemisteyenon gan plukesa zatca ke Dandolo jwagedisik. Vion va tuvel vanlanid lize Isarelli is bagesik tigid.



**DANDOLO, BULOLAP,
VA RINAF PEZAY FU
KALGABEV !!**



Isarelli, me bilitul, vay !! Va
rinaf tozekiktum tuvumelta !!

Su pistolel. Me destal !!



ABDUON, DOSITIK !! KEV BULOLYE !!



Soe moe soza ke berma, trumaf iteem va debala guyon kaldisuked.



Vas tokcoba bata iyepta sugdalar ?

To birelik ke Isarelli tid ! Me vangrupé !



Dandolo !! Gu riba bentite biot va rin fu kobudev !



Isarelli, va rin exudá !!

Batcoba slikeke dili-zer ! Rin, va jin pomal enide va tuvel budet !!



Tari zo divrokar nume klubumur aze va int tcastar, klubon buweweson.




Ufux ! Lorote su zo tatcer !



Ax redakik, ae pu jin djupebul ?

To derka ke Dandolo weltikye tir !



Lorik ! Rinafa arouca tir miltafa gu zugiuca ! A vezura ke bata yikye, parodjiktum va berma co zo zonosteyer !





Jinaf yolt tir Vasco Baglioni...

Vas... Vasco Baglioni ?...



Ux ! Xum ! Dandolo weltikye, to Giacomo Martini weltarsik tir. Tir tel lokiewaf ta skura va lenopa martigafa gu Savsavugal. Do Calendario va inyon zovdaks wil, rotir inaf fitc co tir mafelaf ta zikera va berma. Luxe jin, va bate yikye fu gablé inde ine riwer. Boreon win...



Wiluon radimlanil !!



Espul da til Vasco Baglioni. Wori kontanye milyoltafe batliz arintasielon laniyir, do Tolomei omeltik. Pu jin pebul ?

Sin to jidjasik tid, dacarsik.



Va cinafa ckanta moe vawa ke Verona dubieyed. Vol trakuyú da batliz di lakiyid !



Kas va mesapuca ke rinafa draga sabel ? Ruyel da mbi dubieyel neken elakesik va bata vankolayana moava nekevon co bildeyed !? Koncoba va jin ilfir... Wori...



To bozadosteks !... Va in belil !!

Bozadosteks ?...



Oyox ! Volto xanto tir ! Valdig sutelayan gan Tolomei tuelimayar da vilteyel da va SAVERA va rob ke Candia ewala nafetel...




Volsen keve bata migajeyxa, « savera » ravlem gan « BOWERA » al zo ikaplekuyur. Va tegiv deas va digira va Candia megrupeson al sugdal !

Goxe !



Re vangrupé dume bana myelga rem jinaf dilk zo kabuyur. Bat drendik va valdig ikaplekuyud edje divon zo sumpayá. Viele dimlaniyí, tokdume va krent ixam rungrupeyen co gire beliyí ? Metolbelison kuecayá. Kas co rotrakuyú ? Kan tanoya ewa numen kotcoba zo pastatar...To skujerapa tir !

Lantan va jin djukurotplekud. Ede toleaf tulok ke bat rolaf dosteks pu sane zo razdatar, pune wetce gunik di zo torigitir, i wetce gunik pilkon doleyes va pak ke sokaxo pu diveik !



Jinafa kuranira tir arbera va anamatcera sopuna gan genovik is inyon vangluyarik voxé va pakap ke Pirdot vol puver. Jontik oluik va jinafa titfira djumed. Bata skujera ape tir ke sin.




Nuve, trace yon decitoy nekitin awalkik, va intaf wid gu jadifa koboda djuprokolizir !

Dili drageni gan banyon oluik kunte Venezia lotcazon co tapileper ! Me tí stezik !



Va jin folil, va geja ilkadé. To kire djutatcé da gugikeem ta giwodara co dun golyumar, batdume va intotcuca ke volnik djukurarbé !... Winafa moava va jupekara va bata erava gonoveyer. Turkof dastrubeniktum ta tenekara va lana wima koe Aigeios bira fure artlapitir. Va bata evartaca djumimpavantayá nume va sinafa vangluyara co lusté...



Ede battode tí falakiramaf, pune turkof permik artlapitir abdida volnik ke Pirdot va ban rolaf bozadosteks kabduneditid. Voxen en govanyé xelkapas. Jinafa widdacafa tirka biur da ilkon rotegi. Va kontel tixolon rostas va parlara co olegá. Kas va jin co djupomal ?



Rinaf azed tir pirtackaf is wipis. Azavzara va espura ke Genova enwe co tir fam mu varafa Italia. Voxen kas va rin co fu ronopomá ?

Ba siel...

Kelda tir nuyafa !


Batcoba zo roxodiar.



Ko Torcello, re lapit !!



Wori, banlize arte widava...



Va Isarelli weltikye sielkiavá. Marin Falier dacarsik va bata staksa pu rin volmiv burer... is bata peroda.

Pu rin ? Tokcoba kle tir ?



Boreon, redakik weltikye


Voxen ?!... Ax, baix ! Tumtafa Ketikya, bata peroda tir kotrafa gu moava ! Mancoba ! Radimi regala koe berma bak rielcek, va pursara loon cubeyé.



Va bata twa wí !!! « Grupé da va rinafa zobera is tela ke rinaf birelikeem rozinulá. Dum jin, va pofa soka tunuyayana gu levrotira ke Pirdot is volblaganyasa tit volnik pokolel. Bata klokara fure zo skutur. Gadiul !! Sugdaks : Marin Falier ».



Oyox !!! « Widdacik va to kevsokaracka kobrar ! Vode dun kalobrá Va bata toloya rotplekusa olkotca trumon fu emá !



Miledje...

Va int rovodivvaskal, Vasco weltikye...




Ufux ! Nekev trektum, gael toz turiaweyer.

Ko bat moek va int anamplekul, kiren sukama tir fedafa !




Tokkane koe bata bra va int lajuvodjuc ?

Bat nukom remo rototan numay nyaped.



Agostino berikye va min ker.



Batlize musedon tigic. Metan va win batliz kaaneyatar. Koe Venezia, wedakola zo crakerser ! Va dimlapiracka pu Calendario galpé.

Wedakola ?



Batu ralakupu va irubasikeem ke ewala lekeon al aloyar. In mo Rivo Alto* va int inkeyer ise va Venezia zabduyur. Lekeon bato xo tiyir trigafo ; ant Santa Fosca minafa guazafa wevala wan debanyer, dum pitcasik iste letaxo !



Batlize djumuluftensé !

Grivudel !! Bak bat cadim, yicaca tid mewupesisa.



Toklize moava zo palseyer?

Va ina moe piluda co jovleyé, metan aneyatason co laniyir. Soe fiste gotit xeyaf... Va jin radimelanic !!



* Rialto : idja ke refa Venezia.

To cinafa guazafa tujradafa rovava tir. Inaf ar yolt tir rovava ke San Marco. Disukel !! In zo rodebalter... Isen kadi-meon, va tokcoba wil ? Omagil, fotce !! Gue banlize, va lana betsava, merowina viele rova zo malrundar... Disukel !!

Man zultaf vaskany !



Bak tumtaf alubeavie!, abdida widdacik va prostwafa jora tigisa moe vigama fu taneatir, pune va misturapa gan ujokilik ke San Marco tcoker.



Calendario kas va warzot icde turkik dadit ?

Biotasik ke Malaccomo va vanlapira ke sinafa efruda su mamler...



Arti tanoy bartiv, dastruben turkik delorkiraf is kulon bluctekiraf va rilituca ke veneziik vanvultes mo vigama nekir.



Isen edje widdacik va kiewaca ke widava pu vedgobenik atoer...



Turkik va durga pu yon strabik ke widava ulesielon firvid. Dacarsik erudar da va estura di tcoker. Rotir va permik rovovanlanitil.

Kottode volnik ke widdacik va favera va rolaf sugdayan boza-dosteks nuvebgad. Ape gruped da va sin co rovrinã.



Azen ba nom moo Nariltap poke Fondaco dei Turchi kolna...



Ae re tí djuprotegis...


Va jiomik sielkiavá, va toktel godakté ?



Vasco Baglioni weltikyé, wideyik ke Sienna, permarsik !



TUMTAFÁ GADIKYA ! SOFIA !



Ex kle, weltikyé...

Ux... pará...



Giacomo Martini yambarsik, ke Arezzo...

Fotce ! Sofia batlize koe Venezia ! Tire, wetce kurenik ke Orkhan gazik is nazbeik ke gindik ke Konstantinopolis, ina tir denaf permik...



Estura divimpawer, malaskison va rusagaf kitsend, voxen Sofia Kantakuzenos sersikyá kan kuca is ormura va ganenikeem al levrotir.



Edje koe kusk ke Fondaco kolna...

Bat fent va alto yargar !

Ex ! Va tok-coba bantan ?



Xolo, rin ! Tokliz lanil ?

Kas va abica idulafa lembieda co djumec, agralaf suesik ?





Gan Allax ! Me co vevá !

Battode ko burmotaxo kalion lanic, burmotasik va win ker.



Efe... voxen dronvara?

Baix, fayik do veneziik durgad. Biwe abicedje ta fixara va aabre aze dimlanit.



Molenyec, dositik !... ise respuckuc !!



Metan... Kotcoba dilizenyer !



Ape to batlize inya keniber. Opelon goké.



Meviele pu ina lajupulvití. Jontiktan anameon tanded ! Ina va jin dace me disuké... Va ina icdeon kagrupecké !



Voxen ba yanera va bulura.

Permarsik, ixel da va rin batinde gukoé voxe gu dokalira va kaliukafa arienta zo vuidá.

Ae kle ! Pulvil, jotaf eskarnik !!



Me batlize, bata ewa gozavzad birgafa.

Va bulura ke rinaf nikeem. Jinaf detikeem va turkava anton gildar.



Kadimion, sersikya van vistalexo dimlanir.

Ex kle, Aicha ! Va int lizil !! Va bata staksa fu burel abdida in mallanir !!



MMMMMMM...



Vay, va suesik me elogal !! To jin, Lorenzo, Lorenzo Baglioni...



LORENZO !

Kaaay !!



Sersikya, va jinafa malaskira va kitsend ixel !!


Voxen Lorenzo, tokcoba tir ?!

Tí ke lan birgaf seltom, i ke « Cavallieri della Pace » sopus ta kodilira va Genova do Venezia. Goxe, widdacik va geja anton pulvir. Ika moava is a finera ke Pirdot, pu win va vangluyara kev cin djudrager. Gomevwal kiren Genova va Osmanli gazik noton aldun paskaler.

Tire toloye Baglioni berikye koe mila neya meviele tigitid ! Vasco va drageks ke widdacik pu jin su atoer.



Acum Vasco tir walasik... Grupel da gualteson va widdacik, pune va rinafa poruca laxu-rotplekul, kiren WIDDACIK TIR RELMESIK. Anamstegeteson va intafa nia, va kevsokara tiskatasa va belikafi roti eksudar.



Va wazdexacka riwe dadiv. Ant vimubafa fugara gracer. Ede va in ba firvira va moava pu rin co rotonsev, pune tove rin en titiv muntaf.



Enwe ?



Miledje Vasco do ironokaf ganenik vangaver.

Lipi mu jin...?



SOFIA ! VA JIN KER !

Valeve vegungafa resta, toloy iteem va bata tuitu-pawesa dimlapira kaldisuked.

Kimtafo Vasco, bata zaniera va in va jin arger.

Ta dandanya, Baglioni weltikye !



Sofia ! Jinafa Sofia ! Batlize tigil !

Co itrakul, jinafe abegye ?!



Sedme iteem ke Lorik, to rin til jinaf enaf yerumanik.



Re fiste, wiluon gomallanil ! Kiren ede co zo onset...

Va rin biwe su katrasí... Ae, gildá, Sofia, mallaní.



Ae kle, va mederbesa ewa icde widdacik al gildé. In va oluikem prejanon co djuviklur. Kas parloera do man jidan gadesik co tir evartafa gu jinafa patecta?

Tire, va jontik volnik dikir. Nope to batcoba birgon gonotegir.



Va inafa firvira al undé. Pu in kalil da miv djukuwí, voldo walasik... Va intaf vilack govedikí.

Va rin gu « walasik » grewá ! In ame co naleter, marcoba co wupesipir. Adim,pu in pulviti... Va done, Sofia.




Cwe batliz al laní ant enide zo buivé da va kakevera va widdacik di gogrustá.



Eldeon, koe yasafa berma ke Falier...

Bata witara va arpumapa ronekir. Neken va inafa prealuca gildá. Wira va moava rotir jupatar da ina di plataeter da gazaf yerumanik mu cin co neyarutur.



Ilaneon ba gazda ke Pascha viel, koe Santa Maria dei Frari uja va abidaca aski. Batcoba tir yasegafa godela, i tana riaba novena pu widdacik. Acum ant tigití. Ede turkafa gazikya milinde rotaskitir, pune va ina gildeté.



Va rin ta tutixolara va bata kakevetca zinulá.

Sersikya tir kristevik. Batdume gan mek lirik ape zo funeter.



Bak vanafizon 15 ke balemeaksat, valeve tamaxo ke Santa Maria dei Frari uja.



To Kantakuzenos sersikya, dacarsik.

Va kunoya kuvaca, gazarsik. Va jin ko reak dosital !! Vasco, batlize zavzagil !!



Wil !! Jinafa dragera me tiyir rotuxasa : to moava waltesa va fonkuca tir. Ede Osmanli gazaxo kev jinafa guga va int co emar, pune Venezia va plukera ke Genova is vangluyanik mea levgatar.



Va meki gorasi roti. Va rinaf eweem pu gazik anton rotolkaliti.

Va bati moavaki naril, sersarsik !! Ini me walter...



Laizon, tuvel ke tumtaxo lorason ve zo fenkur aze va kolanira ke baroy kerik isker, i ke craken tabexik ke veneziawe bowere. Do sin :

LORENZO !




ZO RELMET ! OTCEL !! WILUON !!



Vere iskeson va Sofia, widdacik vavek kojoktum ke reak griawir.



Gan Lorik, ko tok zoriaks va int su plekut ?



VA WIDDACIK !! IN !

Sintaavo Vasco, me co loon zo evodal ede va Tael co artlapí ! Kre terektal, fu gildal.



To jin va ckanta ke Tolomei zivik dubieyé. Al granseyé enide di zo tu-vawelayac ; goxe Scaligeri arinde gorayar. Tí kalaf da va int divkotcayá... Kadimion bevulayá zivik ise va van-kolayani moavaki pu widdacik bildeyé, voxte miledje jupayá da in va ban boza-dosteks tadles va Tolomei omelt gu digisik va Candia sugdayar ! Va bat tciamaf valdig pu Pirdot su bulká.

Voxen to rolaca tir ! Rovowazdé !



Ede va bli lotil, pune va bata arienta vol fornal !! To wazdera tir, widdacik va kevsokara lev-egayar : joxara sopuyuna den Isarelli dofugik isu Calendario va staksa inon suteyena is koldasa va exura su razdad... Pirdot va tixara va ervolita koe kota revava al benplekur : va vintera ke birelik ke Isarelli kivar.



Bowere wiluon is poon djupedrar enide sane va dirnura va deluca ke sokasanefta ric-tagá di katrasir.



Weltikya va jin al tafuckul !... Galpé da batvielu minyona kelda va sint mea gamdatad ! Luxe rin, Lorenzo...

Mana fuqlara ! Tokdume bat guazaf widdacik co dulapel ?!



Abegafe berikyé, banvielu va cin relmeyel, pune va minafu sistu dun tsunel. Puveteson va genovaf nik, va beta krizaca djuproraplekul !

Vasco, stival !!



Kotcoba sokisa tir golde rin ! Va widdacik gu vlepera rovebuntul edje tukotratason va eylt ke rinyon nendasik, stron skujel ! Va kotcoba al decenal, va kotcoba !... Tetce, va int rojul !!



Nyukik ! Koe sarandaxo ke oluik, banlize linulal loon lujaf !

Kas tere va int fu stival !?

VASCO !!



Gan oretlik, bat oviskik tere fu bapialmar.



Va Lorik gu jinafa koxuca grewal !! Il jin griawil !! Tcepason malvultel !! Va rin mea konviele djuwí ! MEVIELE ! Gidel !!

Va batcoba rotir co gomegalpel.





Bat rotapsan widdacik al begantar ! Va varafa revava kaljoxac !!




Va jin radimelanil, sersarsik !! Pirdot va kototara va bat kold gu rinafa efruda benplekuyur. Tuke rin, Falier re tir copaf otcesik fure vebidutun.

Me lané da terektason va rin oveyé, Lorenzo.

Va rinafa wetara sabé, voxen edeme tamava va romplekurapa co levgayar.







Gan Lorik ! Me banliz ! Ar fies sayakik tid !

Cwe varafa widava va geja pu jin al dakter !



Va bat tiv narit !!
Gan Lorik, Dacarsik, gin ilamtul inde gexata va volnik gubeon gizuneper !!

Tokdume kev zivotc co go-lyumá ?




Va nik koe Venezia dikil... Al gidel : Pirdot va exura ke birelik mu rin craker !

To ware tana winafa floydusisa gimwara tir. Va mana dirgara pu Isarelli meviele deayá. Bata twa tid rolaca, dere ! Tire sin batkane yambunyud !



Voxen artlapison va Nariltap.

VUKIC !! XAAC !!



Elvon, Vasco va fuyaga valem remlanida ke Rialto za star, impadimason va onkasi dagafi xali...



Sinaf totuk tid loon kaliaf !



Anye ! Batkane va min lokalion vebidutud !

Ware tanoya ewa nu-
men va rin sagondé !



Sin solumackon tigid !



Vol, vol ! Fiste sin tid BLIS ! Kev min va irubasikajeem djujekul !?



TEY ! BANLIZE ! VAMOE KEPAITA !



Fotce ! Isarelli va soyaci al bugdar ! Teyka mal klemba bimiled ! Ape al benplekur da birelik va ina firded !

Icle batcoba va onkasik fu kereler.



Tire, gulaf fird malstiyis va kinaxo az platin gan suka koo pelkaf vugarn ke totiasa pradja kalion galbuwer.



Va suesik moe San Marco viga walzec !! Sin va fu-yaga ke widdacik gorem-azavzad. Ervoliteem van klemba vanmilenidar !! Edefiste, revava di zo gri-vegedur enide abustira ke fird di zo tatcer ! Detcesik kal domega !!



WILUON !!

Soe, viele sayakik skutuson artlanid, pune meka muska dilizer. Volson, birik is birelik ke revava lavion akoyeyen, va roda askid ise va frenk lasugrelanded.




Va bat jogiiktum sopec !!

Voxen ? Sin me tegjid ! Ison tok korik va tey fu grirunkad ?


Benplekul da rinaf detik ledunged, ise malvegel !!



Va tarlera fu iregliec, relmesik !



Miledje moe San Marco viga, remazavzatasen va Vasco is widdacik, susik ke berma va int kototad.



Porca Miseria ! Bat perak moo krilaf narilt su yated.

Ex kle, kal San Marco dimlapit !! Mana bifa !



Miledje....

Non, Vasco weltikye !! Stapet !!



Kas va falama rotir wan dadit ?

Vankril, djay !! Ax !



Bata yatera kal mecoba star ! Isen pesté cuepes !... Ostik va denuca nalet : va targuca is bagaliuca pu guga djudimziliyi, voxé tineyé. Nume gogrifli.

DJUGRIFLIL ?!



Kire folil da Pirdot gan griflira zo tuvaleatar ! Arti krizaceem raplekuyun gan rinyon volnik is flaydusis va rin !

Baix ! Kottode, tori abic blis ugal ware tis mu jin !




Awion zo ket, me ?



Marin Falier, yoltón gu Pirdotap ke Olukapafe Sokasane, va rin gu sokafa relmera benplekunon sopé.

Redakik, va rinafi goni skul milinde va intafi goni remi fliugal aldun askí, voxen va bate jotikye umbel kiren ine va guazikye remlanise va nuda anton pomayar !!



Batcé weltikye, batcoba me tir ke jinaf ind. Sana malyeter : rin dere va jin goradimelanil... Grupel, dacarsik, da bat lag tir portafa gu jin ; me tí seylaf gu gorara ke Pirdot ; etseriuca ke lanyon korik va kotote min lubesitir.

Va Venezia guodiakal, redakik !!



Kadimion.


Ax kle, to vartafó digkirafó stólexo tir ! Ex, cwe sposuca en zo ebdeer ! Zo awuzá !



16-e ke balemeaksat : crakef pirdot ke sana va widdacik kojizar. Inafa volgunuca meinde etrakasir, volson bloduca icde firdera va klemba wan tir yosafa. Meka ra va gomilasa tegira obar... Lan warzaf vrutasik kolanir.

Tí birelik ke drig ke Isarelli redakik.
Welidá da gan ini kofirdeteson zo dodeyé.

To bilita tir ! Ede bat gomiliik zo avonayar, pune volto gan jinafa nuba tir, vogá !
Voxen rotir lan bewik ke Pirdot ta warzera va rolafa vrutara zo dulapayad !



STIVAL, ISARELLI !!

Lipi katrasiyini koe rinafa oga va rin denon koridar. Marin Falier va dofuguca pokoleyer enide va wid ko tey is fortrey di plekur.

Sulasa skujera kev jin zo eksudayar, tanon kiren va win-yona erava lirká.



Ageltucaf relmesik moe buntunikafa starka me tigid : to win ika jin co gotigic enide va gomilasa nyevayera va volnik di dulzoec ! Tokote tic ke « Cavallieri della Pace » birgaf is gomilas viray welidason djukudivpakudes va jin sol bowere ?



Lutsagara va erkey, va kagara kev rin me tubagatar. Kiren kake Pirdot va ki ke sokaxo pu lanu sistu ke Sienna al ladolel ise kev vertuma al vlepel, pune gu sokafa relmera zo kagal.




Antaf korik rovrutas mu wid-dacik koe zeda al zo sayelar, ton birgaf sok.



Bak mil sielcek, Isarelli is Calendario su zo naroted aze mo vistuk ke berma kabdu tari figon zo platid.





Ba gazda ke 17/04...

Tiglik, silukon malskul !!

KALDISUKEC !!... MALYUCA KEV RELMESIK ZO SKUR !

Isen koe bonta ke Pirdotap...

Ax kle ! Va tokcoba askic !!



Va lingera va ebeltaf dualt kev delt va zatkaf widdacik mbi granseyev enide inaf yolt zo drasucktur.



Miledje jizara va kot korik leon tikiyis va bata tokafa skujera wan zo jupad.



Ba 18-e viel, vanafizon.

Koe bat bark iskenon fu zo zaxasi...



Va rictaxacka ke Pirdot dadí...

Ax ? Ae ! Kolanil !!



Zo auzul, listafe pumkye...

Va ant jin do in iskel !!



LORENZO ! Puvegura va doniara koe bata tovolluva, to va rin is abegaf nik gu bat-coba gogrewá.




Dun til garfelaf, beryeme ! Va auluca, va rinafa tunuyara pu veneziik fu lusté. Voxen va vugcoba, sin va rin deneon vol naleted... Ax ! Va pinta : Sofia va moavaki ke widdacik vewar ; pu Tolomei omelt djukudimzilir. Minafe zivikye titir valeafe !



Kas va rin gogrewá ?

Ba sielon 18-e ke balemeaksat, san-tanoyo aro alto bene galzajolok ke berma sespaweyed : ke sino, tanoya roleja tiyir ; efe Vasco va Venezia rovobuluyur, voxe sedme Olukapafe Sokasane winugon al xonukeyer numen batvielu inafa vansara va wid en zo biuyur.



Azen kotcoba gin tiyir preksafa. Dili tere zo sugdayar numen crakenaca ke Falier dilizeyer. Magyarik da va Venezia mea di dilfuyud, ika zilikevura va digikseem koe Dalmatia. Genovik va krizaf kredatum koaykayad. Ant molesafi Scaligeri jiomik ke Verona va mecoba ko art seotayar. Talga ke gazik ke Magyara tiyir lodolgafa. Nekev plukera, sudik durguyud : kaza fugin zo turunkayar !

Kas widdacik en tiyir volgunaf koe bata rilitafa arienta ? Ape metan konviele grupeter...



« Pu korik abdaron tis widdacik, pirdá da in va coba jinon plekuna kabdu iteem dizvenyer ise baskon gu elza torigir da tir okilik vols jiomik, i dace me okilik vox taneaf zanisik va soka. »

Petrarca. Twa ke alubeaksat ke 1355.



TENA

